

tuntur, mutuari potest ex praecedente Tomo II. chartae omnino parcendum dixi, & ea dumtaxat, quae haec tenus desiderabantur, huic Tomo commendare satius putavi. Et praecipue quod Peregrinus a se edita cum luculenta Praefatione, tum Notis eruditis ornavit, quae sive repetiissem, sive omisisem, utrumque incommodo minime caruisset.

Nunc aliquid de ipso *Anonymo Salernitano* ad memoriam revocandum est, ex his videlicet, quae jam Peregrinus erudit pro suo more est commentatus. Patria procul dubio ei Salernum fuit: genus Langobardicum, quum gentem illam ubique laudet. Illustri etiam loco natum ea produnt, quae de Abavo suo Rodoalt habet num. LIII. auctor enim est, ipsum una cum Radolfo germano suo sub Sicardo Principe Beneventano Neapolim se recepisse, addens: *Hic Rodoald abavus meus existit*. Non confusere infimae conditionis homines arbores Genalogicas domi habere. Majores etiam suos, si patrem, aut avum excipias, plerique ignorauit. Praeterquamquod illic res gesta prodit, de illustribus viris agi. Ecclesiasticae quoque militiae addictum fuisse Anonymum nostrum, sunt quae persuadent: passim quippe Sacrae Scripturae phrasibus atque auctoritate utitur, & in Sanctorum Patrum scriptis minime hospitem se se exhibet, usque adeo, ut non immerito ipsum Monachis Benedictinis accensendum Peregrinus opinetur. Quod postremum sententia quoque mea suspicari, affirmare tamen praefacte non licet; nusquam enim Monasterii sui, suorumque Abbatum meminit: a quo Monachus vix temperasset in tot rerum gestarum, bellorumque narratione contexenda. Idque in causa fortasse fuerit, quod Clarissimus Vir Mabillonius in Annalibus Benedictinis eum inter Scriptores instituti sui minime numerarat. Frustra vero haec tenus quae situm illius nomen, ac proinde ei indita *Anonymi Salernitani* appellatio. Cardinalis Baronius in Annalibus Ecclesiasticis, Gaspar Musca, & post eum Ferdinandus Ughellius in Catalogo Salernitanorum Antistitum, immo & ipse Leo Maricanus Episcopus Ostiensis in Chronico Casinensi, quibus Historia haec non nota solum, sed in usu etiam fuit, eamdem sub nomine *Herchemperti*, sive *Heremperti*, laudarunt. Non alia profecto ratione, nisi quia tum antiqui tum recentes Codices ipsius Herchemperti Historiam huic praefixam complectebantur, ibique unus hic titulus occurrebat: *Historia Heremperti Viri illustris ex prosapia Principum Langobardorum*: scilicet nulla subinde epigraphe addita subsequenti Historiae Salernitani nostri, quae tamen absque dubitatione alia est ab Herchempertina. Liceat mihi nunc meam exercere conjecturam, quam prout volunt excipiunt, aut despiciant Lectores; mihi enim idem fuerit. *Ardericum* fuisse nomen Auctori huic, facit ut suspicer unum Carmen in calce Historiae hujus legendum, *Rofrit*, sive *Roffrido Comiti* dicatum, cuius laudes Poëta multis prosequitur. Ita se habent priores quatuor versus.

*O Comes excelso præfulgens culmine Rofrit,  
Peñore Pierium percipe Poema pio.*

*Mos tuus, & species nam prodit, & actio, quicquid  
Ardericus reffero, hac ego pauca boans.*

Cur enim alius potius, quam ipsius Historiae Auctori Carmen hoc tribuas? Profecto Salernitanus noster Musis litabat, easque excolebat; versus etiam pangebat, & quidem improbus, ut adhuc testatur illius Carmen heic itidem legendum, quo siuum Librum Pandulpho Caputferreo Beneventano ac Salernitano Principi dicat. Par utrobique stilus, eaedemque Poëtiae Charites, indicare omnino videntur *Ardericum Salernitanum* utriusque Carminis, & per consequens Chronicci ipsius Auctorem. Et quidni? quum Historia haec complectatur quidem Epitaphia nonnullis Principibus, aut illustribus viris posita, congestaque ab ipso Historicco; sed nullum alterius Poëtae Carmen. Quod spectat ad illustrem illum *Roffridum Comitem*, ad quem Ardericus Poëta scribit, ne hoc quidem ab aetate *Anonymi Salernitani* abhorret. Ut infra dicam, floruit iste circiter Annum 980. Adi nunc Vulturense Chroniccon editum part. II. Tom. I. Rer. Italicar. ubi Charta refertur pag. 493. scripta Anno 1003. nempe donatio facta ab illustri femina *Maria filia bonae memoriae Roffridus Comes, & uxore Potefrit*. Ergo vixerit in Capuano, aut Salernitano Principatu circiter Annum 980. *Roffridus* iste *Comes*; atque is facile fuerit ille *Comes Rofrit*, in cuius laudes Ardericus se se effundit, ita ut congruentibus personis, locis, atque temporibus, idem cum isto Arderico fuisse censeri possit, qui haec tenus *Anonymous Salernitanus* est nuncupatus.

Annum indicavi 980. quo Scriptor iste vixerit, & Historiam suam elucubrarit. quam sententiam rite jam dudum statuit & firmavit Peregrinus. Nimirum ad ea usque tempora constat illius narrationem pertingere. Ad haec Historiam ipsam Pan-